

## Der. II. Titel des vierden Tractats

**U**nd welcher so arm wer/das er den fridbuch obgelutet meynung/  
mit gelt nit zu bezalen hett/der sol solichs durch/sich selbs oder ander sin  
michelffser/die er bekömē mag/an vnser Statt muren/gräben/oder an  
dern werckhen/wie er beschädē würt/ab verdienen/vermag er das ouch  
nit zehin/so sol er der Statt verwisen oder mit dem thun gestrafft wer  
den/wie vns nach gelegheit siner person/vñ sinst nutz vñ not beducht.

### Wer friden zu gepieten hab.

**E**s mögen ouch friden wie obstat/nemen/vordern/vnd pieten/all vn  
ser burger/hinderessen/dienstnecht/vñ gemeinlich wer vns mit gelüpe  
vnd eide verwandt/hie ein inwoner ist/vnd am ersten zu einer thatlichen  
handlung kompt.

### Wie wyt vnd vff wen

der frid reicher.

**I**tem wen einem der frid gebotten ist/so sol er den nit allein By vns zu  
Fryburg/sonder allenthalb in derselben sach gegen syner widerparttie  
halten/der selb frid sol ouch in derselben sach/darumb frid gebotten ist/  
sine fründ vñ verwandten/berüren vnd bindē/in allemas als ob er inen  
selbs gebotten wer.

### Burger mogen vmb den frid

buch ouch angenömen vnd ge  
strafft werden.

**I**tem nach dem ouch vnser ingeschribnen geschwornen burger die fri  
heit haben/das man sy nit vaben oder annehmen mag/sy syent dan zu  
vor mit einem beluten geschribnen Räte/überschribē/vñ aber solichs grosse  
vngleichheit vff im trüg/ouch aller erber vnd billichkeit vngemeß wer/das  
yemands vor fridbuch/todschleg/oder derglichē grossen übeln/gestyert  
sin solt/So haben wir geordnet vnd gesetzt/das dieselbē vnser burger in  
diesem fall dheins wegs exempt/sonder in allemas begriffen sin/vñ mit  
inen gehandelt werden/wie mit andern fridbrüchigen/doch sol inen diß  
sazüg/an andern im fryheiten/gewonheiten vnd gutem hartomen/so